

tionem. Quod sic accipe : Quando fides credit per mortem Christi peccata nostra esse remissa seu deleta, tunc ad ordinationem & decretum Dei: quando vero adhuc post mortem Christi peccata nobis remitti statuit: tunc ad executionem decreti divini respicit. Clarius: Quando credimus peccata nostra esse remissa seu deleta, tunc respectus est ad acquisitionem, quatenus nimirum Christus passione & morte sua nobis perfectam justitiam & remissionem peccatorum acquisivit: quando v. credimus post mortem Christi nobis peccata remitti, tunc respicitur ad applicationem, quatenus nimirum justitia Christi morte ipsius tanquam precio acquisita credenti applicatur. Nulla igitur hic pugna, nulla contradictio, siquidem haec duo non dicuntur respectu unius & ejusdem, sed diversorum.



Disp. XXVII.